

枕上齋  
言錄

嘉永己酉孟春鐫

枕山詩鈔

熙：堂藏

愚堂錄

林下詩集

嘉禾子酉孟春識

自序

自序

余嘗謂詩之為道也。貴精不貴多。在簡不在繁矣。唐宋諸賢集中。往。雖有如粗笨冗長者。其實句鍛字鍊。一語不苟。故至於長篇。則北征南山。長恨琵琶。數首耳。豈今人逐韻填字。動成千百言之比乎。韓昌黎硬語橫空。而元微之以玉磬聲。徹金鈴箇。圓二聯稱之。陸劍南古體未有至三百言以外者。趙雲崧謂言簡意深。一語勝人千百。此中消息。非深于詩。不能知也。且

夫王之渙之出塞。劉禹錫之石頭。皆以小詩名動一時。今之世作長篇人。輒以為大家鉅匠。作小詩。輒以為儻子佻夫。不知法度格律之為何物。可笑之甚者也。抑從事于斯者。知精與簡之為要。長與短之無異。則始可與言詩已矣。近日余絕句抄。梨棗蒞功。因以此為序。嘉永己酉孟春。試燈節。枕山居士大沼厚識於下谷熙々堂。



荻貫書



枕山詩鈔

大沼厚子壽

七言絕句

丙申

春鶯轉曉

紫禁蒼蒼殘月中。嬌鶯宛轉趁春風。一聲齊破蘭臺夢。誰是能詩武相公。

乙夜納涼

五山堂課題

月到天心分外清。細風吹浪皺紋生。紅燈一點誰家舫。猶有三絃落後聲。

歌吹聲殘夜未央。水烟淡罩月蒼茫。荷香柳影無人管。  
併作迴塘十里涼。

東坡赤壁圖

橫梁人非水自東。江山終古屬坡翁。能將二賦千鈞力。  
奪得當年一炬功。

明皇私語圖

金鴨烟消玉漏移。屏陰悄密說相思。此生休訂他生約。  
離合明朝不可知。

晚夏城中思山

城市於吾意不諧。何堪三伏滌炎埃。西窗月落燈方暗。

也是溪山入夢來。

孟秋念三日。拉野村以德嶺田士德。遊墨水百花園。

墨水東頭野老家。秋芳叢裏路三叉。淡紅間紫黃交白。  
多是無名有韻花。

宮人拜月圖

山崎鶴亭三  
餘堂分韻

玉砌雨晴秋氣新。焚香悄地拜冰輪。深宮一夜無窮恨。  
只訴仙娥不訴人。

聽鳩傲楊誠齋

鳩夫鳩婦若為情。谷谷隔林相對鳴。渠喚晴耶將喚雨。

兩般聽做一般聲。

始水

霜落池水取次凝。魚腮冷透氣稜稜。清晨徹底瑩如鏡。  
裝做菱花玉一層。

隨齋翁宅集同賦燈下水仙花

青燈映出素衣裳。霧鬢雲鬟淡淡粧。半夜簾前玉蟲冷。  
春風吹夢過瀟湘。

丁酉

山桃始開偶得二絕句

春風二月試新粧。滿塢吹薰不語香。莫道貧家嫁常晚。

紅衣早已聘東皇。

香山詩貧家養女嫁常遲

樹樹亂開爭上番。穠香百媚易消魂。喚為娼婦君休怪。

曾引情人入洞門。

西溪叢話桃如倚門侶

晚春同隨齋翁訪擔月師于東山淨名院

諸塵不染律師居。六六寶坊渾不如。世上繁華春夢覺。  
綠陰拭眼看扶疎。

蛙鳴不寐

孤燈挑盡坐殘更。閣閣聲喧耳畔鳴。想見城中人買醉。  
滿樓鼓吹到天明。

盆池

埋瓮為池魚寄栖。雙雙點破小玻璃。紫藤影浸漣漪面。  
便是吾家卷畫溪。

柳陰野馬圖

應鶴皋索

渥注奇種氣如龍。不混尋常鷲馬中。無復黃金求駿骨。  
柳邊趁暖戲春風。

夜坐遣懷

世途久已畏稜嶒。一片官情薄似冰。霜苦風酸氣消盡。  
只留病骨伴寒燈。

時秋積雨霽

豆花涼動雨晴初。新漲看看漲小渠。早起開窗秋似拭。

前山滴翠添琴書。

秋日同士德遊百花園有懷亡友野村毛齋

毛齋以德

別

聯牀吟到夕陽斜。回憶曾遊感歲華。一去吟魂招不返。

秋風野草又開花。

戊戌

諸葛春耕圖

隴上聊成梁父吟。傷時憂國意何深。誰知春雨一犁裏。  
已有兩朝開濟心。

同竹九萬墨田探梅九萬有詩因次其韻

千朵萬朵花正開。新莊舊莊客爭來。胡床倚盡吟難著。  
起繞梅邊一百回。

東山看花

利走名奔滿鬢塵。一杯無暇醉芳辰。三朝不到花闌處。  
有脚陽春不待人。

流落逢春仍斷腸。強將詩酒答韶光。幾時身世無拘束。  
得似風花盡日狂。

花朝月下

朦朧香霧透籠紗。夜靜秋千影整斜。春色把人相惱徹。  
十分明月五分花。

墨水戲題

又是烟花三月天。無時無日不風顛。人生何必揚州死。  
墨水隄頭好墓田。

貧甚戲作一絕句

宿道未了出無衣。案上蕭然一卷詩。猶是青瑣存舊物。  
枉言昨夜有偷兒。

將赴房州悵然題寓舍壁

鶯嬌柳蹻美人天。墨水東山春正妍。好箇家鄉不能住。  
滿簾風雨入蜚烟。

寓館雜題似鈴木子玉



秀木千章畫掩扉。爐香焚盡夕陽時。快書一讀不成睡。  
閑煞含風八尺漪。

閑過梅黃雨細天。半軒涼雨趁高眠。枇杷一樹垂垂熟。  
勾引禽聲到枕邊。

名古舟中

海光磨鏡暮雲披。鳥勢山容逐眼移。月影落波搖不定。  
金虬迸破白玻璃。

相州途中

山雨霏微細若絲。瘦僮羸馬步何遲。此生笑比路傍草。  
好箇著花人不知。

石形聲確和苔古。山色空蒼帶雨新。石自點頭山自笑。  
似憐我是重游人。

平心鶴岡謁。八幡祠林蓋曲曲。巖林水身天裏香。靈光千古巋然存。赫赫明威日月新。一自諸平伏神戮。  
兵權長屬姓源人。

錄倉懷古。愚若蒲公猶見疑。論功安用豫州為。禍機列在蕭牆內。  
却是將軍不得知。

隆準空歸土一抔。雌鷄何物早招憂。終然諸呂能吞漢。  
獨怪當年欠絳侯。

小田原

半滅青燈夜色幽。芭蕉葉戰滿窗秋。驚回一枕還家夢。  
人在關山故驛樓。

藤澤

烟雨濛濛暗晚空。樓樓絲管沸秋風。青衿我是何為者。  
也卧團香陣粉中。

葛阪寓目

平沙千里夕陽開。舟下枯蘆曲曲灣。秋水長天寒杳渺。  
彩霞擎出赤城山。

秋懷

故人零落秋何處。水澗山長望眼賒。魚也不來鴻也斷。  
誰傳詩信到天涯。

墨水即興

漁汀秋老荻蘆黃。寒靄輕籠十里塘。小艇搖搖過橋去。  
櫓痕一道界斜陽。

讀淮陰侯傳

追亡討事真知己。一飯於君未足多。只解千金報漂母。  
可無涓滴到蕭何。

雪意還晴月色如畫

晴萍  
同賦

雪意關珊還下晴。誰圖月色得奇明。若非風霰銷磨出。

豈有銀盤這樣清。

已亥

梅花開後偶得小詩

東風昨夜入池臺。紅綻一枝牆角梅。淡月微雲遮不盡。猛香排闥報春來。

雪中有感做六如上人

無復多才賦雪車。微吟撫古憶劉叉。幾人凍餓幾人醉。一色瓊瑤十萬家。

山村夜雪

微行誰復訪賢來。夜雪山村白一堆。瘦馬鋪刀茅屋下。

豈無寒士燕盆梅。

春菜

二十七種庾家春。露甲烟芽次第新。宿酒初消撥芳辣。滿畦煖綠雨如塵。

春宮詞

花陰滿地月朧明。綉幕不搖風力輕。宴罷深宮歌管寂。萬年枝上鶴三更。

城東探梅

春向城東到處開。不妨探討幾千回。近梅却是無心看。日辨芒鞋訪遠梅。

小小茅簷短短籬。冰寒雪白弄清姿。一株影炫斜陽裏。  
看做紅梅更不疑。

林泉讀書圖

竹影泉聲過雨餘。白雲來去護茅廬。山庭不掃苔苔淨。  
幽鳥低頭聽讀書。

東山遊春

繡林變作綺羅叢。步屨尋春夕照中。揀取好花多處去。  
隨人且謁藥王宮。日暮游人續續歸。多情猶自傍嬌枝。櫻花亦具梅花體。  
烟月黃昏分外奇。

南總途上

半空細雨暗深灣。穿盡層巖亂石間。快意風來雲解駁。  
眼明始見總南山。平沙日暖屬眠鷗。正是春光欲盡頭。萬里湖乾如曠野。  
便應赤脚到滄洲。流水橋西三兩家。綠楊梢上酒旗斜。怪來眸子下明徹。  
籬落殘陽眼亮花。

寓河野子負靜觀樓

黃鸝喚夢枕邊鳴。起坐客窗無限情。落絮飛花海南驛。  
滿樓風雨過清明。

歐陽公

本論一篇天日明。堂堂正氣鬼神驚。倒瀾挽起千鈞筆。  
將謂昌黎是再生。

留別子貞

去住無心豈有期。祗緣春色引歸思。惻惻說別君休怪。  
擬及鄉花未謝時。

千葉遂上

新綠陰陰鳥語幽。滿郊花草弄芳柔。遠林缺處春潮白。  
浪脚無聲蹴樹頭。

三月念日遊墨水

一劍歸來千里身。鶯花老却故園春。踈狂未悔尋春晚。  
狂道綠陰還可人。

冶春詞

誰把繁華筆底收。水邊楊柳柳邊樓。画舫如織春多少。  
只戴笙歌不戴愁。

脉脉芳心一曲歌。燈光鬢影蕩簷波。吾妻橋下相思水。  
惹得鴛鴦箇箇多。

掃花

門巷春深鎖綠苔。今朝綠客掃芳埃。杏花紅雨梨花雪。  
併被山童淨盡來。

湖上雜詠

橋頭風柳影婆娑。潑刺跳鱗響暗波。紅燭青簾同一樣。誰家樓上夜涼多。

翡翠輕裙鸚鵡釵。何人破戒詠風懷。瓊華珠月今猶古。

無復當年老鐵崖。

瓊華珠月皆妓名

一簇火雲燒太空。湖亭能有幾多風。若為化作雪然鷺。飛向碧荷涼影中。  
白雨翻飛亂入樓。水床水枕晚涼浮。岸蘆偏得跳珠賜。拜舞清風不敢休。

梅雨中即事

獨樹風生細雨來。門庭漠漠只蒼苔。香殘茗冷黃昏近。讀到召南標有梅。

舟中記事

海氣昏昏水拍空。布帆影淡落暉中。東南一片洋雲黑。忽作長天萬里風。

宿金川

枕頭似聽風濤響。魚腹逃來豈亦天。魂夢徹宵驚不定。猶疑漂泊在漁船。

蘆洲夜月

釣船閑在柳根沙。渡口潮來月欲斜。橫玉一聲人不見。

半篙撐雪入蘆花。

江千秋老圖

鈴松嵐閣開堂  
課題

荻花楓葉映斜陽。江水迢迢一帶長。昨夜新霜微著樹。家家橘子已生香。

湖亭別圓禪上人

殘柳風前暮笛悲。湖亭把酒話分離。西灣秋色君須記。政是荻花葉爛時。

出門

一枝筇竹御風輕。千里雲山隨步生。納納乾坤如許大。出門誰復碍吾行。

雨夜枕上

時寓河氏

寒缸油盡夢方殘。一領綿衾敵峭寒。身慣江湖稀旅恨。夜窗聽雨客眠安。

東金客舍送橫山懷之遊房州

秋風何必怕分離。臨水登山未足悲。却買此遊多美句。千林紅葉勝花時。

寒江獨釣圖

同梅庵杓  
溪諸子

世上浮名不耐煩。一蓬梅月釣黃昏。雪簑縱是羊裘樣。莫把莊光一例論。

溪上所見

隔橋燈火水烟微。夜靜溪頭人語稀。粉月掛林寒岸白。  
一團雪。鷺映山飛。

盆裏盛雪

朝來手掬檐前片。盆裏琢成三尺峯。奪取千秋西嶺色。  
碧窗移看玉芙蓉。

除夜

莫把窮愁訴向天。散材却喜乃能全。詩書賣了無餘物。  
剩此癡骸不抵錢。

世事悠悠付一盃。胸襟落落向誰開。折腰到處皆如柳。  
索笑相看只有梅。

庚子

新正四日過圓禪上人房席上賦贈

春入千門暖靄凝。鮮衣炫路氣騰騰。拜年何預闌人事。  
山屐先尋竹院僧。  
富貴浮雲念已灰。洒然洗得滿顏埃。紅樓不飲纖纖手。  
且泥山僧乞一盃。  
山上梅花幾樹開。趁春先向古禪臺。無人會得闌人意。  
半在尋僧半在梅。

五日同子世九萬彥之圓禪墨田堤探梅圓禪詩  
先成因次其韻



遠穿村路不辭勞。地僻無人賣濁醪。笑入籬門先著眼。  
梅花樓角一枝高。

半藤肥州

遺孤存沒保將軍。避害唯應保老身。不向關原賣餘勇。  
負孤人是庇孤人。

社日獨坐

獨坐晴窗世慮虛。半簾斜照燕來初。功名無意均分肉。  
笑向床頭掩漢書。

錦洞館盆梅

揭出牙牌葵瓦盆。春風百種趁番繁。僧家亦有仙家術。

縮地移來古范村。

詠物詩刻成有感自題其尾

崔氏鴛鴦鄭鷓鴣。詩成我敢比華腴。狂名只似禰鸚鵡。  
贏得刺中完字無。

強將顏色媚春風。命薄于雲臨鏡慵。簾外無人通一顧。  
不知金翠為誰容。

東叡山看花

幾番芳信探來頻。忽看山花照眼新。花底依然判痛飲。  
去年春色去年人。

滿面花香雜酒香。也同蜂蝶耐顛狂。樽前萬事渾除破。

且學飛紅舞一場。

賦罷名花感更深。春山無伴自長吟。輸他饒舌黃鶯子。  
飛入宮門覓賞音。

花時遍遊諸家園

春風到處簇笙歌。肉自如陵酒似河。龍柳嬌花幾亭館。  
名園不畀洛陽多。

曉行漫草

微風濕面洗餘醒。山色蒼茫日未生。十里陂塘青草暗。  
曉烟如海浸蛙聲。

墨水磨艇齋韻

紅綠相扶水滿陂。暖風墟上颺青旗。依稀也似江南景。  
烟雨樓臺小杜詩。

晚春獨遊天王寺

悵惜春光不耐情。尋芳靜處且吟行。花飛人散黃昏雨。  
添樹冥冥一鳥鳴。

寂寞西園又夕陽。香銷烟冷斷人腸。渾愁春色風吹去。  
捉得飛花貯滿囊。

曉庭落花

尾。藤。君。水。竹。居。席。上。

曉氣如烟散宿鴉。滿庭狼籍襯紅葩。五更閨裏多春恨。

風雨殘燈夢落花。

春盡日發江戶留別九萬

此去漫遊經幾旬。別君千里影相親。預知城裏佳烟月。  
醉倒花前少一人。

酒醒

愁緒千端亂似絲。急呼盃酒敵愁思。醒來枕上燈明暗。  
旅恨多於未醉時。

宿梅菴村居

繞屋鳴蛙夜正深。青燈花落漏聲沈。醉顏窗下貪涼坐。  
月上喬松影十尋。

一路沙鬆屐齒輕。綠陰涼冷雨初晴。茫然先被蛙兒認。  
飛入陂塘水有聲。

曾我野道中

如絲官道傍汀灣。秋雨春風往又還。書劍三年饑走客。  
馬頭飽見總房山。

遠雲如卜居于總南詩以賀之

破硯殘書共一車。賀君屏迹入松蘿。三間茅屋何言陋。  
詞客無家例更多。

發東金口碑

一劍飄然季子愁。風塵敝盡黑貂裘。從教行色蕭條甚。

只道惡歸勝美遊。

泉村即事

雲脚低垂雨意涼。松間淡淡隱朝陽。山風不管歸愁切。

一路吹薰野草香。

同士德九萬子世游墨水

時士德自南  
總歸

相思千里夢空牽。勝地相逢豈偶然。墨水堤頭一盃酒。

不同此味已三年。

夏日雜題

新裁白紵製單衣。蒲綠榴紅雨霽時。又是城中端午近。

家家旌旆畫鍾馗。

鳥迹重重印碧苔。新荷池上一花開。閑房晝鎖少過客。

山色闌然推戶來。

同懷之兩國橋納涼時五月廿七日

綵燈萬點照波紅。笑語歌聲十里風。明夜將呈烟火戲。

涼棚架遍水西東。

歌舞樓樓酌夕陽。放吟吾亦喚盃觴。青銅三百大成醉。

笑與富兒同此涼。

初見秋風

田家今日秋初立。此際新涼未送些。曉起眼明先看取。

胡枝紅綻半叢花。

題松靄道人淺草幽居

茶坊酒肆兩邊樓。絲肉聲中日脚收。纔入寺門喧寂異。  
雨苔煙草滿園秋。

外戶不扃魚鑰閑。意中長似在深山。夜堂儘入佳風月。  
誰道空門亦有關。

牽牛盛開

風露滿叢秋色堆。淺紅深碧壓籬開。仙宮宴罷星河曉。  
狼籍天孫萬玉盃。

新秋獨飲不忍池旗亭

樓臺倒影入晴湖。漱漱微陽浴錦鳧。酒醒暗生惆悵意。

萬荷紅處一荷枯。

新涼夜坐古川君亦山堂

涼入郊墟頗好懷。焚香掃地坐茅齋。夜深秋氣清入肺。  
月色蟲聲共一階。

秋夜枕上

孤床輾轉夢難成。徹枕山鐘夜幾更。風入虛窗燈忽滅。  
疎桐斜月半彎明。

發都

斷雲將雨影冥冥。征馬又追長短亭。餘醉猶醺故鄉酒。  
西風漫意莫吹醒。

題川舟中作

同坂耕雨秋雪窗

一葉舟輕任所之。呼盃斫鱸興何奇。楓霜荻月烟波冷。  
正是鮭魚欲上時。

題秋場元吉天香書院

連蜷古幹繞牆垂。金殿梢頭萬粟滋。滿院天香明月夜。  
研朱閣讀小山詩。

土浦途中

夕陽禾黍接通津。撲漉沙禽起水濱。帆影低迷崖樹晚。  
半隄暝色趁行人。

將遊筑波山雨中發霞浦

脚為遊山步少輕。一簑衝雨出湖城。翠鬟羅列烟雲裏。  
已有群仙拱手迎。  
喬松交影鎖陰崖。山路蕭蕭霧雨霏。零葉為堆深一寸。  
粟蓬如蝟刺芒鞋。

自真壁過加波雨叟諸山到笠間即事

曉雞聲裏策羸驂。衣上塵痕看更慙。今日始知行已遠。  
波山回首落西南。

石林茅屋有餘清。幾道潺湲脚底鳴。惆悵碧山棲未得。  
也同泉水出山行。

溪迴山轉見人家。脩竹林間一選斜。兒女相偎映籬立。

半畦殘日林檎花。

韓信出胯下圖

土浦蠻舍分韻  
藤森弘庵同賦

凍餓多年志未摧。已羞忍愧始稱才。功成若思藉間辱。也合肩隨噲等來。

太白捉月圖

同上

不得嫦娥也自佳。江流斷送冷生涯。墓田何用揚州地。只此金波葬醉骸。

松戶道中

旅鴈叫雲三兩聲。宿烟破處遠川明。連天風雨路人絕。孤影蕭蕭和淚行。

至後睡足

盡日看書了幾行。日過長至未言長。閒來飽睡方知得。夢醒西窗有夕陽。

除夜

時寓芝山梅癡  
上人房

鳥影匆匆往事空。曉鐘聲斷已春風。殘眠未覺僧窗白。二十三年一夢中。

一詩雙淚待誰賞。歸卧故山心太平。却有寒燈似知己。照人文字最分明。

辛丑

早春感興

孤吟獨醉易傷神。古寺風烟不見人。惟有嬌鶯憐寂寞。  
隔花啼與一聲春。

和凝板本盡為灰。始信池魚難免災。別有六丁收不得。

腹中全稿積為堆。今茲正月城北有災  
舊稿印本悉為烏有

正月十四日同湖山雲濤遊新梅莊一花未放悵

然有作

多情誰復與溫存。春到梅邊未見痕。安得漢宮香一炷。  
美人髻鬢返嬌魂。

寓寮閑咏

日射僧窗樹影明。擁衾側卧帶春醒。未覺碧瓦猶殘雪。

時聽檐冰滴瀝聲。

閏正月三日雪大作小詩記事

夜山無影凍雲垂。果是今朝雪壓籬。不待家僮來報道。

朦朧殘夢聽窗知。

簌簌檐聲欲曉天。厨腥土銜冷無烟。兒童戲穴書窗看。

恰漏瓊塵落枕邊。

春寒絕句

冷透重簾干夢殘。微雲低覆小紅欄。東風匝地梨花雪。

又作春城幾日寒。

嫩草如烟翠色加。絲來小雨墊烏紗。出牆紅杏多酸態。



一夜春寒瘦了花。

二月二十日作

天街塵歛靜無風。羽衛煌煌暗旭中。滿路哭聲紛雨泣。靈輿今日入玄宮。

上巳出遊

訪花飽過高低路。尋柳遍經南北村。不問某莊還某寺。有花柳處便敲門。目黑逢上

氣澄天朗弄春容。一路人家帶晚春。夾坂高花明灼灼。紅雲中斷出芙蓉。富士見坂

雙生雙死事奇哉。比翼碑殘一片苔。兒女只憐名字好。

喧闐爭入墓門來。

比翼塚

蒼烟半界夕陽山。戀著風光未擬還。羨煞茅軒賣茶媪。

拾薪汲水住花間。

御殿山

天女池即事

池在三峰山中

輕波穩受穀紋鞋。垂柳條條蔭水多。好是吹花風一陣。落紅繡出碧羅波。

星巖翁將赴潮來送到八幡賦小詩以贈

說到離愁倍黯然。驛門殘月影如烟。不須更問歸來日。榴火墻頭艷絕天。

盆池小蓮

露浥小房紅未乾。簾風吹水疊微瀾。蛙兒見解從頭窄。  
也做高花十丈看。

三尺盆池鏡面平。微香動處曉風清。戲將硯水澱新萍。  
喚做瀟瀟雨打聲。

仲夏閑居

淨指髻兒坐攤書。午景遲遲度碧疏。隔院茶聲聽最好。  
嫩槐陰裏一蟬初。

過雲將雨覆簾櫺。垂柳陰涼困思生。一霎廢吟成偶睡。  
鳥知人意亦停聲。

嫩綠團陰五月天。惜惜情味晝如年。竹軒涼雨只貪睡。

一任乳鳩啼午烟

夢回簾額夕陽斜。手扇風爐煮露芽。苔色上櫺新雨歇。  
一雙飛燕蹴桐花。

苦熱

早空飛火炳如丹。脫盡衣裳汗未乾。一日出門三日卧。  
病身畏暑甚于寒。

赫赫驕陽午鏢金。炎天矮屋最難禁。不須魂夢為胡蝶。  
只化風蟬寄樹陰。

北窗高卧

綠陰軟枕午風清。自愛吾廬真是情。一幅生綃懸壁上。

北窗笑對畫淵明。

蓮塘浴鷺

陂塘十里雨新過。白鷺浴來烟水多。去趁荷花多處戲。  
頂絲涼簾夕陽波。  
荷花濯濯滿塘開。雪羽分明雲錦堆。好箇風標貴公子。  
不妨亦伴六郎來。

山房夏夜

深林風死月沈光。手把蒲葵繞曲廊。行到佛前燈火暗。  
更無人處有微涼。

立秋前雨涼

五山堂席上

踈簾無影夕陽收。竹簟涼生翠欲流。不待梧桐翻一葉。  
雨聲先報上番秋。

初秋同梅癡上人賦

蜻蜓影老碧花殘。蟋蟀聲新白露團。風雨一過涼若許。  
不須計日望盂蘭。

七夕苦熱

月落針樓熱更增。紵衣滿背汗珠凝。天孫自慣龍綃冷。  
不省人間苦鬱蒸。

晚歸口占

一道斜風吹雨清。殘雷隱隱隔山鳴。空檐纔覺滴聲歇。

新月破雲頭上生。

赤羽橋有懷南郭翁悵然成咏

流水山前寒碧長。遺居何在草荒涼。一橋風月無人詠。  
漁唱商歌占夜涼。

十四夜

吟窗深鎖怕新寒。不管秋天月欲圓。縱是明宵晴可卜。  
病身爭耐冒風看。

風雨後看月

風雨連番洗出清。月光添得幾分明。玉盤不道舊時物。  
只道今宵新琢成。

秋夜齋中

闕披陶集養幽情。枯葉滿爐寒自輕。夜讀下茶佳物足。  
小盆初結落花生。

九日

東籬不望白衣至。潦倒停盃愁更加。學取風流陸處士。  
磁瓶泛菊飲新茶。

近郊出遊雜咏

草枯村遠氣荒涼。籬落家家菊尚黃。紙屋護花能斗大。  
野人也解惜秋光。

谷中

一條門巷接村園。竹樹陰中鷄犬喧。綠漲小渠秋水淨。

幾人來此洗葱根。根耳

小湖秋晚

黃葉蕭蕭水滿陂。樓臺寒鎖暮秋時。枯荷打葦無多地。  
一半平湖屬鷺鷥。

新霜淺淡半林紅。樓閣參差秋色中。昨夜一番寒信到。  
荻花吹老鯉花風。

十月四日同星巖翁坂耕雨遊東海海晏諸寺

出門塗步恰新晴。快友相攜脚更輕。海上斜陽無限好。  
紅楓銀杏挾崖明。  
山樓下轉入空林。寂寂有聲霜葉深。閑立闌前堪洗耳。

風松聲作海潮音。

古碑無字蘚苔封。荆棘叢中未駐筇。誰似高僧墓田好。  
千株楓樹萬株松。

寒山一路鎖紅霞。坡酒林間日已斜。無復遊人來雜沓。  
果然看葉勝看花。

群賢去後會盟寒。未問遺蹤易捨神。只剩一樽林下酒。  
醉顏紅似舊時人。  
杏坪翁詩紅醉年年林下酒不知身作白頭翁

將赴結城題寓院壁

鴻爪春泥跡偶然。匆匆小住已經年。一區林下讀書地。  
留與殘僧供夜禪。

曉發

雞聲催得著征裝。縱是無官也自忙。衣飯相驅寧得免。隨人去。踏板橋霜。

千壽驛有官吏田村考叔者久知余名云慨然成

咏考叔有故今  
冒中山氏

舊造舉首事都非。又策羸驂向北陲。誤把文章騰謗焰。今來名字畏人知。

馬上

北風盡日奮嚴威。瘦馬凌兢不耐吹。短景貪程率如許。曙蟾看到暮蟾時。

結城雜題 寓弘經寺

百事無成志漸摧。客衣敝盡添塵埃。飄零贏得看山福。又向茶波峯下來。

尋常海味抵瓊瑰。野店只看蔬菜堆。今晚腥風吹滿市。紅鬃新自水城來。

山氣寒凝十月初。手皸足瘃正愁余。彼都人士那知此。地上霜花厚寸餘。

北邊十月峭寒加。微雪堆堆落似沙。遙想江城此時節。山櫻偷暖發狂花。

夜赴青山氏招歸途所見

旅鴈叫雲霜欲飛。里門半掩月沈輝。青螢老屋孤燈暗。  
大樹村中響杼機。

十一月十六日發結城赴關宿

馬首霜寒欲曙天。月殘茅店半藏烟。凍泥一路成凹凸。  
叱叱羸蹄不肯前。

林隈穿盡又溪隈。那處人家沽一杯。日落荒原寒漠漠。  
饑烏相喚啄霜荻。

刀川舟中同梅癡上人

汗漫只為湖海遊。此生真箇似沙鷗。七年踪跡渾無定。  
又趁東寧下水舟。

孤舟江上幾經過。慣向蓬窗聽棹歌。有酒有朋今夜月。  
客愁不似去年多。  
暗水寒鳴浪作堆。暗中燈火見樓臺。半篷殘月蘆洲曉。  
棹入沙鷗夢裏來。  
百里江程一夜間。晨炊繫纜荻蘆灣。東船西舫知多少。  
盡候天明入水關。

曉行舟見

寒侵吟帽曉稜稜。咫尺蒼茫宿霧凝。幾處漁舟閑不動。  
的知海面已成冰。

送荷綠上人雲遊

冷然金錫一身輕。野鶴閑雲同性情。千里江山無定所。  
這回不負出家名。

家家家裏合家歡。兒女團樂笑語親。底事寄居蕭寺客。  
梅花併影只三人。

壬寅

正月十二日。同子世發都訪浦田杉田梅花遂遊

金澤來往得小詩十餘篇

雨乾阡陌草抽芽。纔入青春不在家。竹杖隨身如健僕。  
能扶病脚去看花。

出城先問野人家。聞說園中盡是花。路上立筇看不錯。

一枝玉雪出籬笆。

東風吹冷帶潮鹹。海上雲山日半銜。水碧沙明如畫裏。

一灣松影映春帆。

風帆一霎截波過。手扣船舷發浩歌。拚命尋梅詩膽大。

海心不畏觸蛟鼉。

琴書同是冷生涯。未宿山中賣酒家。珍重風流今夜夢。

化為雙鶴傍梅花。

酒醒只覺客懷清。無限詩愁眠不成。一幅薄衾已瘦骨。

與君聯句待天明。



早起將探海上梅。推窗驚看白成堆。東風於我情不淺。  
正用此時吹雪來。笠檐簾袂帶梅香。路入林叢十里強。飛雪遮眸迷向背。  
忽從樹杪得湖光。七年五度此中行。纔思曾遊便有情。又向湖亭沽一醉。  
新春山色舊潮聲。兩月當年看兩奇。略知景物總相宜。今遊足補前遊缺。  
恰值湖山風雪時。青山淡淡水生風。潮沒洲沙路欲窮。一帶寒烟飛鳥盡。  
樓臺總在雪花中。

酒醒衾冷夜迢迢。一點樓燈照寂寥。起倚欄干傾耳聽。  
雙橋風雪雜風潮。山風拂檻白紛紛。寒骨吟肩坐夜分。未必都人知此味。  
銷金帳裏醉紅裙。風送寒聲上下潮。烟籠春影短長橋。陰晴略記湖中景。  
倚遍樓臺已兩朝。

錢鴈

去翻逢春不暫停。聲如話列入冥冥。寸心錢汝知何物。  
浦上蘆芽一束青。

落梅數

狼籍階庭雪作堆。餘香留得在蒼苔。西窗怕看一痕月。  
曾是鷓鴣衣和影來。

東山遊春

和小川

遊春時節恰春晴。拉得吟朋遠出城。未到三橋先一嘆。  
浮空艷雪半林明。

肖柏老人

應小林

蓮戶朱門一例看。布衣侍帝勝於官。人間富貴元無意。  
未害春風詠牡丹。

同梅癡上人星巖翁過天王寺此日花亭岡木使

君後至

不見香車輾暗塵。淡烟芳草碧蘼新。餘花藏在樹深處。  
多事嬌鶯啼報人。

上方直下是村家。一點炊烟日半斜。深院待人遲亦好。  
飽看山色又看花。

花後有感

春歸彷彿淡于雲。回憶曾歡情緒紛。匹似荊襄見神女。  
夢中相遇夢中分。  
戰紫酣紅瞬息間。只緣開落足悲歡。番番過了渾無跡。  
便作錢場搬劇看。

春晚

花飛蝶駭五更風。回首繁華夢忽空。莫脫春衣輕浣濯。  
舊歡留在酒紅中。

驪駒

宿頭猿猴繭初成。驪向茅檐雪樣明。溫暖元來不宜麥。  
蠶鄉却是耍牢晴。

送阪海逸遊北越

越女留人笑口開。樓頭磐礪引深杯。不知一幅佳山水。  
換得名絺幾段來。

六月十二日航海將到房州口占

車馬炎塵日日忙。城中無地著些涼。閑人能作避暑計。

一舸去投烟水鄉。

抵金川

灘光山影闌清奇。短艇飄然畫裏移。孤店夕陽來繫纜。  
正如老陸泊松滋。  
家家樓閣映情灣。欄外波明碧玉環。一片雲嵐誰寫得。  
夕陽粉本在房山。

觀音碕

晚追潮信出旗亭。日落灣灣蘆荻青。天末餘霞紅未散。  
遠山如醉近山醒。

舟達勝山

蓬閣隔樹見郵亭。落月沈波曉氣腥。水淺沙深舟不進。  
別呼小艇達前汀。

題蓑丘道人掬露山房

蓑丘藤世美別號

五年不到故人居。往事談來只悵如。猶有園林餘舊物。  
一房山靄半床書。

七月朔出遊次彥之韻

籬落夕陽人影斜。迎秋同到水西涯。家江又負賞蓮約。  
却向野田看稻花。

已涼

本塘詩屋分韻時荷綠師至

淒然秋氣暗相催。露濕籬花紅半開。今日故人如有約。

清風一併入堂來。

寄懷梅癡上人

匆匆出寺便思還。不見支公旬日間。昨夜新涼今夜月。  
令人漫憶沃州山。

驛夜

滿樓雜杏過三更。吟對孤燈眠不成。恰有秋蟲愁似我。  
歌呼暖處做淒聲。

示彥之

歸都後作

都門幾日滯還期。風月多情惜別離。垂白慈親倚闌望。  
歸帆明曉莫遲遲。

幽事

世塵擺落萬緣空。幽事關身興不窮。睡起中庭成獨立。  
夕陽涼處洗梧桐。

本中

幽事關身興不窮。睡起中庭成獨立。

夕陽涼處洗梧桐。

今入

幽事關身興不窮。睡起中庭成獨立。

夕陽涼處洗梧桐。

本中